

Meä'cchalltõs da puäzjoummu liä suäppâm Njeä'llem reeidast

Meä'cchalltõs da kolmm sää'm puäzjoummu Aanar Njeä'llest liä suäppâm jee' res vuõiggâdvuõtt'taa'zzi mie'ldd da YK ooumâsvuõiggâdvuõttkomitea räija mõõnnâm reeidcõõttmõõžžes. Meä'cchalltõõzz da Kalevi, Eero da Veijo Paadar kõskkneez çuõlmmuum suäppmõõžžâst liä mie'rtõllum Njeä'llest aarrai riikk jânmin vuu'd, ko'st Meä'cchalltõs âann meä'cctääl da nu'bbtuâjjan lij, što ko'st meä'ccçuõppmõõžžid jeät tuejjukku puõ'tti 20 ee'jj äi'ğgen. Seamma suäppmõõžžin kuhttu vue'ssbeä'l jaukkee vuõiggâdvuõtt'tuaimid nu'bb nuu'bbes vuâstta.

Suäppmõš jaukkad še ää'sš kiõtt'tõõllmõõžž YK ooumâsvuõiggâdvuõttkomiteast, tõ'nt ku Paadari'z3e keä'sse meädda ooumâsvuõiggâdvuõttkomitea beälla tuejjuum läittmõõžžes.

Ee'jjest 2005 alttuum vuõiggâdvuõtt'tuaim liä vuâddõõvvâm Paadari'z3i vuei'ne'lma, koon mie'ldd Meä'cchalltõõzz tuaim puõcci viistsõõ'jin hue'nee miârksânji luâđast palggmõ'sše kuulli puäz3hâaid kanntumuužž Njeä'llem vuu'dest. Paadari'z3e liä põõllâm, što meä'ccçuõppmõõžžä juätkkjem mie'ldd puätt ou'dde Njeä'llem õhttsažvue'jjnallsem puäz3hâaid loopptumuš. Tãn diõtt Paadari'z3e õõlgtue vuõiggâz beä'lenn, što meä'ccçuõppmõõžž kee'ldet tiõttum sõõ'jin Aanrest aarrai Njeä'llem tä'lvkuäivaspaai'kin. Reeid vääžnmõs kõjldõssân lij leäm tä'lvkuäivaspaai'ki ri'jtjumuš. Meä'cchalltõs lij ââ'nnam õõlgtõõžžid äššakuulkâni õõlgtõssân.

Sää'mjânnam suudvuõiggâs hiâlgii pâ'jjel õõut ee'jj mââiârâ Paadari'z3i kuâdlmõõžž, mânja tõn sij laittu ää'sšest Ruä'vnjaarg huäv'vuõiggâdvuõ'tte.

Vue'ssbeä'li ää'n suäppum ää'sšest da huäv'vuõiggâdvuõđ ra'vvjee'l tãn suäppmõõžž jâskk reiddaä'sši kiõtt'tõõllmõš pukin vuõiggâdvuõtt'taa'zzin.

Suäppmõõžž mie'ldd Meä'cchalltõs tuõ'll'jââ'tt meä'ccçuõppmõõžžin ääi'jben çuõppkâni aarrai mie'ccin 20 ee'jj ääi'jas. Meä'cctääle'ld çuõppum mie'ccid vuei'tet çuõppâd da hâiddad âlddsin nu'tt mä'htt ääi'jben suävâdvuõđsuäppmõõžžâst tää'rkben mie'rtõllum nalla.

Suäppmõš kuâskk takainallsem meä'cctäälltuaimid. Nuõrttsää'mlää'jj mie'ldds muõri vä'lddem da mäddâ'nnem vuõiggâdvuõđ, mä'htt sää'mlää'jjest lij mie'rtõllum, tõid suäppmõš ij räâ'jed, ij še ni mie'ldd looggee'l kue'llseellmõõžž, mie'cstumuužž le'be luâđast jââ'ttem mäddtrafiikk.

Kuhttu vue'ssbeä'l ä'ne suäppmõõžž vääžnai tuõjjân. "Mij leä'p aibâs pue'r miõläst, što piâzzim suäppmõ'sše, kää'tt oudd vuäittmõõžž ä'rbbvue'jj mie'ldds puäz3hâaid juätkkjumu'sše Njeä'llest. Puäz3hâidd lij mi'jjid jie'llemnääll da vuei'ttep ää'n šiõgg miõlin mõõnnâd vä'st puäz3tuejeen ärra", Kalevi Paadar sârnn.

"Meä'cchalltõõzz beä'lenn suäppmõš stään tuâj3râauh da ainsmâ'tt, što vuei'ttep juä'tkked meä'cctääl âannmõõžž räâ'jteld še Njeä'llem vuu'dest. Tât lij šiõgg suäv'tõõllâmrä'tkkmumuš", sârnn Meä'cctäällsuurmõs Pertti Heikkuri Meä'cchalltõõžžâst.

Lâä'ssteâđaid:

Sakkeemjââ'dteei Juha Mäkinen, Meä'cchalltõs, GSM 040 570 9307

Meä'cctäällsuurmõs Pertti Heikkuri, meä'cchalltõs Pâ'jj-sää'mjânnam, GSM 0400 296 613

Vu'vddjââ'dteei Kirsi-Marja Korhonen, meä'cchalltõs, GSM 0400 300861

Paadari'z3i peä'lest:

Advokaatt Johanna Ojala, GSM 0400 879711